

**GID POU SÈVIS SANTE AK
AKOMODASYON POU SEKSYON 504
POU ELÈV KI NAN LEKÒL LETA VIL NOUYÒK
ANE LEKÒL 2023-2024**

Pou tout paran ak founisè swen sante:

Depatman Edikasyon Vil Nouyòk(NYC Department of Education, NYCDOE) ak Biwo Sante Lekòl (Office of School Health, OSH) ap travay ansanm pou bay sèvis sante pou tout elèv ki gen bezwen sante espesyal. Si ptit ou a bezwen sèvis sante oswa akomodasyon dapre yon IEP oswa seksyon 504, lwa 1973 sou Reyabilitasyon an, ranpli fòm ki pou sa a nan pake sa a. OSH **mande** pou mete fòm pou bay medikaman ak/oswa tretman yo preskri a ajou chak ane lekòl.

Fòm sa yo disponib pou founisè swen sante pou ranpli yo si nesesè pou ptit ou. Tanpri asire w siyen tout fòm yo kote yo mande yo:

1. **FÒM POU BAY MEDIKAMAN (Medication Administration Forms, MAFs)** – Se doktè ptit ou a ki pou ranpli fòm sa a pou li ka resevwa medikaman ak tretman nan lekòl.
 - Gen senk fòm MAF apa: opresyon; aleji; dyabèt, epilepsi ak fòm ki jeneral.
 - Tanpri voye fòm ou fin ranpli yo bay enfimyè lekòl la/sant sante nan lekòl.
2. **Fòm pou bay tretman medikal yo preskri (ki pa medikaman)** – Se doktè ptit ou a ki pou ranpli fòm sa a pou mande pou pwosedi espesyal tankou bay manje nan tib, katetè, aspirasyon, etc. pou yo fèt nan lekòl la. Yo ka itilize fòm sa a pou tout tretman enfimyè ki konpetan bay.
 - Tanpri voye fòm ou fin ranpli yo bay enfimyè lekòl la/sant sante nan lekòl.
3. **Demand pou Seksyon 504 ak/oswa pou Akomodasyon medikal** – Ranpli fòm sa yo pou mande nouvo oswa sèvis sante modifye (ansanm ak MAF oswa Fòm pou tretman medikaman yo preskri a) oswa akomodasyon tankou itilizasyon asansè, akomodasyon pou fè tès, ak sèvis parapwofesyonèl.
 - PA itilize fòm sa yo pou mande sèvis ki ede avèk bezwen espesyal (related services) tankou terapi pou reyabilitasyon, terapi fizik, terapi pou diskou ak langaj (otofoni), oswa counseling.
 - Gen twa fòm yo dwe ranpli:
 - Demand Paran pou Akomodasyon 504 (pa obligatwa pou elèv ki gen IEP);
 - Otorizasyon pou divilge Enfòmasyon sou sante dapre HIPAA; ak
 - **Fòm demand Akomodasyon medikal (MARF)** ke founisè swen sante timoun lan ranpli Yo dwe ranpli fòm sa a pou tout elèv ki bezwen akomodasyon.
 - Tanpri voye fòm ou fin ranpli yo ba kowòdonatè plan 504 lekòl ou a oswa ba Ekip IEP a, jan sa apwopriye

Paran:

- Tanpri fè moun k ap bay swen sante ptit ou a ranpli fòm ou bezwen pou ptit ou a (tankou Fòm Tretman medikal yo preskri ak/oswa Fòm MAF).
- Yo dwe ranpli fòm MAFs ak Fòm Tretman chak ane **epi yo dwe voye yo bay enfimyè lekòl ou a/sant sante nan lekòl avan 1ye jen 2023 pou nouvo ane lekòl la. Fòm yo resevwa apre dat sa a ka gen reta pou yo apwouve yo.**
- Pou elèv ki gen IEP:
 - Yo dwe ranpli Fòm Demand Akomodasyon medikal lè yo ka bezwen yon chanjman nan sèvis la.
 - **Yo dwe voye fòm ke ekip IEP a dwe revize omwen yon mwa avan reyinyon IEP ptit ou.**
- Se sèlman estaf OSH ki travay nan lekòl la ki ka itilize Medikaman ki nan depo (Albuterol, Flovent, ak Epinefrin), epi sa toujou mande yon fòm MAF ki ranpli. Ou dwe voye ptit ou a avèk epinefrin, ponp opresyon ak lòt medikaman apwouve ptit ou a gen pou pran poukонт li nan pwomnad lekòl la ak/oswa pwogram aprelekòl pou li ka genyen li disponib.
- **Tanpri asire w ou siyen do tout Fòm Tretman ak MAF, ki bay konsantman pou ptit ou a resevwa sèvis sa yo.**
- **Kole yon tifoto resan nan kwen goch anlè MAF la.**

Tanpri kontakte enfimyè lekòl ptit ou a, ekip IEP a (si sa aplikab) ak/oswa kowòdonatè 504 lekòl la si w gen nenpòt kesyon.

Moun k ap bay swen sante (Health Care Practitioners): tanpri gade do paj la.

**GID POU SÈVIS SANTE AK
AKOMODASYON POU SEKSYON 504
POU ELÈV KI NAN LEKÒL LETA VIL NOUYÒK
ANE LEKÒL 2023-2024**

Eksplikasyon pou Moun k ap bay swen pou ranpli Fòm Demand Akomodasyon medikal

Tanpri swiv prensip sa yo lè w ap ranpli fòm yo:

- Plizyè doktè ka bay malad ou a tretman. Doktè k ap ranpli fòm lan ta dwe sa a k ap trete maladi yo te mande sèvis pou li a.
- Doktè ki gen lisans ((MD, DO, NP, PA) k ap trete la dwe ranpli fòm sa a epi bay enfòmasyon klinik konsènan dyagnostik medikal la ki dekri kòm baz pou demand sa a. Paran/Responsab pa ka ranpli fòm yo. Yon rezidan pa ka ranpli fòm yo.

Yo baze tout demand pou akomodasyon dapre nesesite medikal. Tanpri asire w repons ou yo konplè ak egzat. **Estaf klinik Biwo Sante lekòl ki pral gade tou demand pou akomodasyon medika yo, pral kontakte w si yo bezwen plis klarifikasiyon.**

- Gen yon enfimyè lekòl ki prezan nan pifò lekòl DOE yo. Y ap konsidere demand pou enfimyè 1:1 dapre chak ka separeman.
- Tanpri ekri byen klè oswa enprime tout enfòmasyon ki sou fòm sa a. **Yo pa ka finalize pwosesis la avèk fòm ki pa lizib, enkonplè, san siyati oswa ki pa gen dat epi yo pral retounen yo bay paran oswa responsab elèv la.**
- Bay non konplè ak dyagnostik klinik aktyèl pou elèv la.
- Dekri enpak, dyagnostik/sentòm, pwoblèm medikal, ak/oswa pwoblèm konpòtman ki ka afekte elèv la pandan lè lekòl oswa transpò, ki gen ladan limit ak/oswa entèvansyon obligatwa.
- Mete ladan tout dokiman ak rezulta egzamen pou tout sèvis espesyalite oswa rekòmandasyon pou akomodasyon yo mande yo.
- Mande **sèlman sèvis ki nesesè pandan lè lekòl la oswa pandan lòt aktivite ak pwogram lekòl esponsorize.** Pa mande medikaman yo ka ba w lakay, avan oswa apre lè lekòl.
- Si yon elèv bezwen medikaman oswatretman, tanpri ranpli ak voye tout Fòm pou bay medikaman ki enpòtan yo (MAFs) ak/oswa yon Demand pou Tretman medikal yo preskri. Lòd yo ta dwe presi epi ekri byen klè. Sa a pèmèt enfimyè lekòl la travay nan yon fason klinik responsab.
- Yo pral gade demand pou medikaman altènativ sou baz ka pa ka.
- Ekri non w byen klè epi mete ladan lisans valid Eta Nouyòk, New Jersey, oswa Connecticut ak nimewo NPI.
- Sou Fòm Demand Akomodasyon Medikal la:
 - Tanpri site jou ak lè ki pi bon pou yo kontakte w pou bay plis klarifikasiyon sou demand sa a.
 - Tanpri siyen atestasyon dokiman ki di enfòmasyon uo bay yo egzat.
- Yo ka konsève estòk Epinefrin nan sal medikal la, oswa nan yon espas komen pou Pre-K. Yo ta transpòte elèv la ansanm ak Epinefrin yo preskri a jan sa endike a.

Nivo Konpetans Elèv la: Elèv yo ta dwe otan endepandan posib nan lekòl. Doktè/founisè k ap bay swen yo dwe detèmine si timoun lan pa bezwen enfimyè, si li bezwen sipèvizon, oswa si li ka pran medikaman oswa si li ka fè pwosedi yo poukont li.

- **Bezwen Enfimyè:** enfimyè a dwe bay medikaman. Jeneralman, yo mete medikaman an nan yon kabinèt ki fèmen nan sal medikal la.
- **Sipèvize** ka pran medikaman poukont li, ki sou sipèvizon adilt. Elèv la ta dwe kapab idantife medikaman li, konnen dòz kòrèk la epi lè pou pran li, konnen objektif medikaman an, epi kapab dekri sa ki pral rive si li pa pran li.
- **Endepandan:** ka pote/pran I poukont li. Pou elèv ki endepandan an, tanpri mete inisyal nan atestasyon an ki di elèv la kapab pran medikaman poukont li nan lekòl la ak pandan pwogram ak aktivite lekòl la esponsorize, tankou pwomnad lekòl. **Yo pa janm pèmèt elèv yo pote dwòg ki ilegal.**
- **Si w pa chwazi okenn nivo konpetans, estaf klinik OSH la pral endike elèv la kòm elèv ki depann de enfimyè otomatikman, jiska moun k ap bay elèv la swen sante a sijere yon bagay.**

Mèsi pou kolaborasyon w.